

ZAKON

O IZMJENAMA I DOPUNAMA ZAKONA O GRBU BOSNE I HERCEGOVINE

Član 1.

U Zakonu o grbu Bosne i Hercegovine ("Službeni glasnik BiH", broj 19/01) u članu 7. riječi: "Ministarstvo civilnih poslova i komunikacija" zamjenjuju se riječima: "Ministarstvo pravde".

Član 2.

U članu 9. stav 1. tačka a) riječi: "njegova tri ministarstva" zamjenjuju se riječima: "njegovih ministarstava"; iza riječi: "Ustavnog suda Bosne i Hercegovine" dodaju se riječi: "Suda Bosne i Hercegovine, Tužilaštva Bosne i Hercegovine"; riječi: "Stalne izborne komisije nakon njenog formiranja" zamjenjuju se riječima: "Izborne komisije Bosne i Hercegovine", a u tački d) riječi: "kopredsjedavajući i dopredsjedavajući" brišu se.

U istom članu u stavu 1. dodaje se tačka g) koja glasi:

"g) na ulazima u objekte Oružanih snaga Bosne i Hercegovine".

Član 3.

Član 12. mijenja se i glasi:

"Novčanom kaznom od 1.500 KM do 7.500 KM kaznit će se organ vlasti, privredno društvo ili drugo pravno lice, ako:

1. upotrijebi grb Bosne i Hercegovine u obliku i sadržaju suprotno odredbama čl. 3., 4. i 6. stav 2. Zakona,
2. upotrijebi grb Bosne i Hercegovine kao robni ili uslužni žig, uzorak ili model ili kao drugi znak za obilježavanje robe i usluga (član 6. stav 1.),
3. upotrijebi grb Bosne i Hercegovine suprotno uslovima iz člana 6. stav 3. Zakona,
4. na javnom mjestu upotrijebi grb Bosne i Hercegovine koji je oštećen ili je svojim izgledom nepodoban za upotrebu (član 8.),
5. ne upotrijebi, odnosno ne istakne grb Bosne i Hercegovine saglasno čl. 9. i 11. Zakona,
6. upotrijebi, odnosno istakne grb Bosne i Hercegovine suprotno odredbama člana 10. Zakona.

Za prekršaj iz stava 1. ovog člana kaznit će se i odgovorno lice u organu vlasti, privrednom društvu ili drugom pravnom licu novčanom kaznom od 300 KM do 750 KM.

Za prekršaj iz stava 1. ovog člana novčanom kaznom u iznosu od 300 KM do 750 KM kaznit će se lice koje samostalno obavlja privrednu djelatnost.

Za prekršaj iz stava 1. ovog člana tač. 1., 2., 3. i 4. kaznit će se građanin novčanom kaznom u iznosu od 100 KM do 400 KM.

Počiniocu prekršaja iz stava 1. ovog člana može se izreći i zaštitna mjera oduzimanja predmeta kojim je izvršen prekršaj".

Član 4.

Ovaj zakon stupa na snagu osmog dana od dana objavljivanja u "Službenom glasniku BiH".